



BOSNIA AND HERZEGOVINA
Ministry for Human Rights and Refugees

Broj: JN-05-16-4-14-4/20
Sarajevo, 07. 05. 2020. godine

Na osnovu člana 64. stav (1) tačka b, člana 70. stav (1), (3) i (6), člana 90. Zakona o javnim nabavkama («Službeni glasnik BiH» broj 39/14) i Pravilnika o postupku direktnog sporazuma (broj 01-02-2-259/15 od 26.1.2015. godine), zamjenik ministra za ljudska prava i izbjeglice Bosne i Hercegovine d o n o s i

O D L U K U
o izboru najpovoljnijeg ponuđača

Član 1.

Dodjeljuje se ugovor ponuđaču PASTOR M d.o.o. Mostar, sa adresom: Rodoč, Put za Aluminijski bb, Mostar, kao najpovoljnijem ponuđaču za nabavku usluga servisiranja i atestiranja protivpožarnih aparata i vodovodne mreže, po ukupnoj cijeni ponude u iznosu od 1.098,00 KM bez PDV-a, odnosno 1.284,66 KM sa PDV-om.

Član 2.

Ugovorni organ će sa izabranim ponuđačem PASTOR M d.o.o. Mostar zaključiti odgovarajući ugovor, a kojim će se regulisati međusobna prava i obaveze u svezi predmetne nabavke, shodno zahtjevima ugovornog organa i zakonskim propisima.

Član 3.

Za izvršenje ove Odluke zadužuje se i ovlašćuje Sektor za opšte, pravne i finansijsko-materijalne poslove.

Član 4.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke i objavit će se na web stranici Ministarstva.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: JN-JN-05-16-4-14-3/20 od 10.04.2020. godine. Javna nabavka je provedena putem direktnog sporazuma. Procijenjena vrijednost javne nabavke iznosila je do 4.000,00 KM sa uključenim PDV-om.

Pismeni zahtjev za ponude upućen je ponuđačima: Pastor M d.o.o. Mostar, Ekoteh d.o.o. Mostar, Alfa Therm d.o.o. Mostar, Rigipsherc d.o.o. Mostar, Vatrosistemi d.o.o. Sarajevo.

Rok za dostavljanje ponuda: do 05.05.2020. godine do 11,00 sati. Ponude su se dostavljale u uredu protokola 119/I.

Otvaranje i razmatranje ponuda je obavljeno 05.05.2020. godine u 11:30 sati u prostorijama Ministarstva za ljudska prava i izbjeglice BiH, Trg BiH 3, Sarajevo, ured 116/I.

U definiranom roku dostavljene su sljedeće ponude:

1. EKOTEH d.o.o. Mostar
Iznos ponude: 2.776,00 KM bez PDV-a, odnosno 3.247,92 KM sa PDV-om.
2. VATROSISTEMI d.o.o. Sarajevo
Iznos ponude: 2.640,00 KM bez PDV-a, odnosno 3.088,80 KM sa PDV-om.
3. PASTOR M d.o.o. Mostar
Iznos ponude: 1.098,00 KM bez PDV-a, odnosno 1.284,66 KM sa PDV-om.

Također, dostavljena je ponuda od strane ponuđača "Gala Group" d.o.o. Mostar, ali prema navedenom ponuđaču nije poslan zahtjev za ponudu. Utvrđeno je da se radi o promjeni naziva ponuđača "RIGIPSHERC" d.o.o. Mostar, a prema kojem je poslan zahtjev za ponudu. U odnosu na navedeno, ponuda je uzeta u razmatranje. Ukupna cijena ponude je 3.320,00 KM bez PDV-a, odnosno 3.884,40 KM sa PDV-om.

Sve ponude su dostavljene u definiranom roku.

Ponuđač "Gala Group" d.o.o. Mostar dostavio je Aktuelni izvod iz sudskog registra čiji je datum izdavanja stariji od 3 mjeseca, tako da ponuda nije kvalifikovana.

Ostali ponuđači su dostavili traženi dokaz, odnosno:

- Aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke (original ili ovjerena kopija), uz napomenu da datum izdavanja dokumenta ne smije biti stariji od 3 mjeseca računajući od dana dostavljanja ponude.

U postupku je ocijenjeno da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine i podzakonskim aktima, a nesporno je da je ispitivanjem tržišta putem pismenog zahtjeva za ponudu utvrđeno da je ponuda odabranog najpovoljnijeg ponuđača prihvatljiva za Ugovorni organ, što je i razlog donošenja odluke iz dispozitiva.

Pouka o pravnom lijeku:

Protiv ove Odluke nije dozvoljena žalba.



Dostaviti:

1. Sektoru za opšte, pravne i finansijsko-materijalne poslove,
2. Ponuđačima,
3. a/a.